

2.
Eine Figur oder Kupfferstück/so zu den Figuren der Keysern Herrn
Waltther Kaleyh/oder der Beschreibung Guiana gehörig.

Wie etliche Völder im Winter auff Bäu- men vnd hohen Felsen wohnen/Item was sie für Ceremonien mit den verstorbenen halten.



Iniciuas ist eine Nation der Indlaner / so in America wegen des Flusses
Orenoque, in Winter zeit ihre Wohnungen/ auff den hohen Felsen / vnd auff den Bäumen
machen müssen. Denn von vnserm Mayo an bis auff den Septembris/ der Fluß Orenoque
wol 30. Schuh höher wirdt als er sonst gewönlich pflaget zu seyn / vnnnd gehet er alsdann
wol 20. Schuh hoch vber das Erdreich / also daß sich Niemandt daseibst auff dem Lande
behalten mag. Diese Zeit vber behelffen sie sich mit Fischen vnd dergleichen Dingen / so sie
im Wasser fangen vnd zur Speise gebrauchen. Ihre Nachbarn die Capuri vnd Macuri,
haben eine solche Ceremoni/ daß wann ihre Obersten gestorben vnd begraben seyn / sie ein groß Leid vnd Weh
klagens vber dieselben machen/ vnd wann sie hernacher dundert / daß das Fleisch von den Beinen nun mehr ver-
zehret vnd abgeseulet sey/ grabt sie alsdann die Beine wider auß / welche von wegen der Nerven vnd Sänen
noch zusammen halten / Dieses geräffel henden sie in ihre Häuser auff / darinn sie gewohnet haben/ zu einem
Gedächtnuß / vnnnd bestecten den Kopff mit allerley schönen Federn / ihre Arme aber vnd Beine / behenden sie
mit den gülden Platten/ vnd andern Ziath/ so sie in ihrem Leben gehabt haben/ vnd lassen sie also henden.